

N. 158.

A. D. 1191.

(15 febbraio, Indiz. IX).

<i>Data di luogo</i>	Bari.
<i>Rogatorio</i>	Lupo protonot.
<i>Descrizione</i>	Taglio rettang.: alt. 0,91, largh. 0,28 1/2. Interamente macchiata.
<i>Scrittura</i>	Minuscola.
<i>Contenuto</i>	<i>Iohannes, f. Gafuri Bernardi</i> , di Bari, essendo gravemente infermo, fa il suo testamento.
<i>Bibliografia</i>	Inedita.

† Eterni Regis Incarnationis anno millesimo centesimo nonagesimo primo et Regni felicissimi domini nostri Tancredi gloriosi et magnifici Regis Sicilie et Italie anno secundo mense februario die quintodecimo indictione nona. Ego Iohannes f. sire Gafuri Bernardi barensis. Declaro quoniam infirmus sum valide et mortem metuo velud homo. Nunc cum aduc
 5 in vigore sensus memorie et locutionis permaneo ad rerum mearum testamentum formandum curam exhibui ne lingua privatus intestatus deficiam. et sic coram nobiles hominibus subscriptis testibus quibus que dispos[iturus eram] predixi voluntarie cum sana memoria et recta locutione per fustem constitui mihi epitropos sire Goffridum et sire Oggerium fratres
 meos filios predicti patris mei et dominum Petraccam buffum regalem barensium iudicem
 10 avunculum meum f. domini Iohannis buffi regalis barensium iudicis et/ sire Silvestrum f. domini Guarnerii et Kirisergium cognatum meum f. domini Grimoaldi de Kirisergio
 et sic iudicavi disposui atque precepi et in eorum [manibus commisi] ut si de hac infirmitate obiero integra portio mea totius stabilis quod cum predictis meis fratribus habeo iure bar
 sit nepotum meorum filiorum predictorum sire Goffredi et sire Oggerii
 15 fratrum meorum ad faciendum ipsi in leg[itima etat]e exinde quod voluerint. Ita ut filii eiusdem sire Goffride in medietate portionis mee predicti stabilis inter se succedant. Similiter et filii iamdicti sire Oggerii in altera medietate eiusdem portionis mee iamdicti stabilis inter se succedant. et postea omnes predicti consoprini nepotes mei in omnibus predictis iudicatis. similiter inter se succedant. Ita tamen ut unusquisque
 20 de predictis fratribus teneat dum vixerit predictam portionem de affato stabili meo a me illorum filiis iudicatam et prout eius voluntas fuerit ad suam frugiet proprietatem. Ita quidem ut dentur de rebus meis pro anima mea ad Bisantium sororem meam f. predicti patris mei et uxorem affati Kirisergii tres uncias tarenorum pro ancilla una sibi emenda. dentur etiam et ad Alfaranam cognatam meam uxorem predicti sire Goffredi fratris mei alie tres
 25 uncie tarenorum similiter pro alia ancilla sibi emenda, detur domno Iacobo sancte Marie Magdalene de causis (?) patruo meo media uncia tarenorum pro duabus quarantinis michi canendis. a die obitus mei ad duos annos in antea expletos. detur similiter eidem domino Iacobo patruo meo alia media uncia tarenorum pro duabus alteris quarantinis michi canendis videlicet in unoquoque anno quarta uncie tarenorum. Item et ad tres annos post obitum
 30 meum dentur fabrice barensis archiepiscopatus pro anima mea tres uncie tarenorum per

unumquemque annum unciam unam. detur etiam et clericis ecclesie sancti Nicolai maioris ubi eius sacre requiescunt reliquie una uncia tarenorum et ad Dominicellam spuriam nostram detur pro anima mea medietas uncie tarenorum. Similiter et post obitum meum ad octo annos in antea expletos dentur et expendantur pro officiendo ad clericos quattuor uncie tarenorum per unumquemque annum medietas uncie. detur item unicuique monasterio barensi monialium quartam uncie tarenorum. Super hec iudicavi atque precepi ut solvantur de rebus meis huniversa debita predicti patris mei et mea que super nos emergerint unoquoque quia sic michi predicta omnia iudicare et ordinare complacuit. Que mea iudicatio et dispositio sic agatur et perficiatur de causa in causa post obitum meum ab ipsis epitropis meis et eorum heredibus ut predictum est. reservata michi potestate aliam iudicationem faciendi etiam addendi et minuendi huic testamento dum in memoria mea vigeo. omnia secundum meam voluntatem et sic hec iudicatio semper sit firma et stabilis nisi aliam fecero ut predictum est. Unde coram eisdem testibus voluntarie ego qs. Iohannes vadium meque mediatorem omnibus supradictis epitropis meis dedi. Eo timore ut omnes heredes et parentes mei stent semper et maneant in hac predicta mea iudicatione et dispositione in predicto ordine facta. et in nullo eam infringere vel contradicere valeant set si contra fecerint obligo illos dare eis penam centum aureos solidos et totidem in puplico inviti omnia que predicta sunt adimplentes. Propter quod licentiam tribui affatis epitropis meis et eorum heredibus pignerare omnes heredes et parentes meos per omnia eorum licita et illicita quecumque eis ubicumque invenerint sine calumnia donec omnia que prescripta sunt seriatim perficiantur. Et hoc scriptum iudicationis scripsit Lupo protonotarius qui interfuit.

† Iohannes Agralisti Peregrini f.

Notitia testium: presentibus predicto domino iudice et sire Iohanne Agralisti de sire Peregrino et sire Petracca Sebastiani.